

歲時會眾紳士而面課之而公評之其及格而才行為眾紳士所稱者擢用之否則置之使眾紳士預聞選官之典以符國會之本義且使官紳相習如家人父子不至隔膜相視計無有便於此者也要之人才不出於學將百施而無一可總學會之設也正以使官中之人才皆出於學不獨於候補官為然也官中之人才皆出於學於是無變科舉之名而有變科舉之實

治事篇第七 法律

吏事至煩苦織末苛謹晰如牛毛徒滋弊而擾民甚無謂也王船山論吏卒不畏廉明而畏簡最得吏事之要領今將悉取舊法而廢之又不可得則莫如令總學會釐訂一簡要有定之法有三一曰章程今會典做周禮體裁敘述各衙門之職事然僅京署不及外官且職事亦止言其大綱而無辦事之章程降而外省各衙門各局所益無有矣以中國之大庶政之殷繁乃無一章程以為辦事之規則惟恃擗擗塵星湊集不足又取決於幕友書吏之口而任其穿鼻牽引之轉不如二三裨販猶有所謂行規共相遵守此絕可怪也故總分學會皆當立章程專意討論乃可就理二曰表舊案山積吏胥因緣為奸雖稟兼人之資生知之聖無能徧稽而並綜是必有提要之一術所謂表也表不惟提要而已又可分別門類相為比較而功過贏絀進退短長之跡生焉表既成則以簡取繁一覽而瞭如指掌凡陳冗之簿書悉界炎火毋為奸藪故總分學會皆當立表學廣為宣布使習於用三曰圖有一物即不應不有圖天文輿地疆界田里城郭宮室典禮儀注器械物產必著之於圖始足重其典守夫表或精微難造俗吏不解至於圖少知書者皆任為之何亦竟為絕學耶吾不知無圖矣復何所憑藉以施治而相授受也故總分學會皆當立圖學慎辨器象儲為故府三法畢備由總學會頒其式於分學會分學會復上其成事於總學會有不便可隨時議改務臻美善官苟實力奉行吏事其有整飭之一日矣且由此較稽權量以歸畫一通達刑律以清獄訟旁及公法以育使才於是無變法律之名而有變法律之實 未完

撫轅批示

郴州客民陳裕源等呈批○前據具控業經批飭在案茲復續控前來仰郴州即行查明如果金增寶等實有該欠錢文即飭算明清償可也詞粘并發仍繳○芷江縣民陳貴學呈批○爾與陳爵天互爭家產纏訟多年茲陳爵天業已身故復據具控前來查閱抄呈道府各批均極明晰乃猶許告不休難保非因所斷尚未遂慾飾詞圖累抑或所給田畝果係侵產仰沅州府即日錄案稟覆核奪詞粘并發仍繳

藩憲二十四日牌示

永定縣蔣柏茂撤省所遺之缺委李春培署理

南學會問答○孔鳳問○通商傳教載在約章鉅典煌煌可資攷鏡去歲膠州以開教釀成巨禍致令素王陵墓一旦歸他人掌握此亦可為痛哭流涕長太息時也我湘振興學會每次宣講學派外兼及各國時事實足以鑷除積習開拓心胸是大有裨於學校人心者然竊謂可以導有識之士夫而不可化無知之頑民也何也凡洋人來湘通商傳教游歷拘守閉關之見者非必皆在於士林也出於民者亦有之開教陋習湘中甚况洋人窺伺我湘已非一日若不思患預防恐與膠事同日語矣然欲掃除若輩一切愚忠愚義則莫如做南學會章程南學會為官紳士夫共立之學會此則專為商民而設官紳士夫不在此列但復立學會布置較難暫假學署考棚或坐棚開講甚為便宜每次約五百餘人惟主講先生吐詞須淺顯俾不諳文理之商民較易通曉尤必須藉開教發揮但藉開教發揮好事者必以勸人入教藉口豈知孔孟之道流傳數千年而不做果能篤信孔孟之道斷不至為他教所搖惟須開講時發明可也是否有當質之高明○答曰所言識慮闊遠佩服之至要開民智在先導有識之士夫以漸化無知之頑民民愚無知多視士夫之議論以為進退有識者能將道理切實曉導自可漸化鄉愚現有推廣學會章程通飭各處有志之士能照章程設立分會發揮此理自有開智之益無開教之事不至殉忠義之虛名受滅亡之實禍矣

南學會入會章程十二條

- 一 凡入會者應由會友三人切實出保實係有志嚮學者當由會中公議允者過半方准入會
- 二 不拘何業之人但德才藝有可取者均准入會
- 三 入會人之德才藝先由保薦人開明大畧注册由學長隨時攷查
- 四 本會已置會籍凡入會者須將姓名年籍居址事業及寄函之所報明填入
- 五 本會思拯時艱原欲諸友精研政教如京師大學堂天地道政文武農工商醫等科宜認習一學或但求大畧或專門講求均可不拘
- 六 凡入會者應各酌捐銀若干兩或捐書器亦可即書於名紙下
- 七 各會友捐款及圖書器物等以收到本會憑單為據

八 各會友捐款及書器每月附湘報刊布以便查核

九 會籍於滿四月後彙呈 撫憲查核

十 本會除聚講問學及應辦會事外尋常應酬一依延年會章程

十一 本會以同心合力振興中國為務雖求通民隱究屬至公無私如有詞訟恩怨資生仕宦等事概不與聞

十二 凡入會者註冊後由本會發給章程一本以便遵照

西教入華源流考 續前

自天主教流入中國當元憲宗時親幸教堂行禮順帝特遣大臣求教士於西國明時利瑪竇亡神宗賜予墓地羅雅各勤勞王室懷宗優賞田房湯若望創製功高上賜欽褒匾楹 國朝定鼎以後褒寵有加 鴻施迭著順治元年五月 上准湯若望安處教堂嚴禁各旗兵滋擾七年 上賜宣武門隙地一方建堂傳教九年落成又賜欽崇天道匾額用示 隆寵十年穆尼各欲往奉天傳教拜摺奏聞 上諭關東一帶地廣人稀食宿諸多不便無庸前往中國內地各省隨意傳教可也十四年 上賜御書匾額 御製天主堂碑記十六年西士蘇納奉 召來京專司歷數嗣因水土不宜 召往山東傳教康熙八年 上諭議放王貝勒大臣九卿科道將楊光先誣告各端會議同詳具奏康親王傑淑等題稱湯若望等建天主堂供獻天主並無誘人作惡結黨亂行之處十年冬 御書敬天二字懸掛教堂 諭曰朕書敬天即敬天主也十一年 上准恩理格前往山西搬取歷書兼理教堂事務十九年李守謙蒙 召內廷 恩錫奉旨傳教四字用昭 特寵二十三年九月二十八日 聖駕巡行 變輿至濟南遣侍衛到堂下問會汪汝望已往江南弗克應 召十一月初一日 駕幸金陵百官父老簇擁趨迎傳 旨問天主堂何在越三日遣侍衛至堂傳召畢嘉往見 垂問諄諄天顏色喜二十五年十月 聖駕幸海子 特差侍衛趙昌傳 旨著禮部右侍郎孫果理藩院左侍郎喇巴克禮部郎中帕海等在天主堂前叩頭二十六年四月十四日禮部奉 旨今地方官間有禁止條約內將天主教同於白蓮教謀叛字樣著刪去欽此二十八年正月 上南巡鑾駕所臨每問彼方教士至濟南 命侍衛趙伍前往教堂叩拜天主三十一一年大學士伊桑阿等疊奉 諭旨大約謂西洋人治歷用兵俱著績效將伊等之教目為邪教殊屬無辜爾內閣會同禮部議奏欽此旋經禮部尚書顧八代等十七員會奏各省居住洋人並無為惡亂行之處又非左道惑人異端生事喇嘛僧等寺廟尚容人燒香行走西洋人並無違法之事反行禁止似屬不宜相應將各屬天主

教堂照舊存留凡進香供奉之人仍許照常行走二月初五日奉 旨依議欽此三十八年張誠劉應洪若請錫西安門內隙地即蒙 俞允弁錫銀兩物件築建聖堂四十四年 上錫庫銀一萬兩飭將宣武門天主堂重修行修是年教皇特遣使臣抵京 謁見 上賜坐并賞筵宴四十六年 聖駕南巡抵揚州教士龐克修等謁見 上給敕文有永在中國傳教不必再回西洋等語五十年 御題宣武門天主堂一律云森森萬象眼輪中須識由來是化工體一何終而何始位三非寂亦非空地堂久為粗愚閉天路新懸聖子通除却異端無忌憚真儒若個不欽崇又書匾額曰萬有真原書對聯曰無始無終先作形聲真主宰宣仁宣義率昭拯濟大權衡雍正三年教皇遣鄂達爾等抵京獻物 上召見 賜茶優待 答禮復書八年 上賜庫銀一千兩修理京內諸堂乾隆間 高宗屢賜銀兩為西士喪葬之費四十年正月十四日宣武門天主堂火御書匾額被焚高慎思奏請議處奉 旨加恩免議 賜銀一萬兩著於原址建復重 賞匾額對聯高懸堂宇嘉慶間 上三賜銀優卹西士召用福文高李拱辰等為欽天監監正監副道光初年欽天監事務仍任西洋教士迨高守謙因病返國而 朝廷始專任華官矣

英俄相爭 ○香港循環日報云日來本港紛紛傳言俄人在旅順及大連灣高插徽章日本見而不平因致哀的美敦書於俄國勒令冠日由兩處下旗退兵等語此雖道路傳聞未得官場確信然究未嘗無因緣俄人在旅順大連灣懸旗本屬意料中事惟日本致書一節則未免可疑蓋日本於此事雖大不滿意於俄人然自問兵力尚單何敢遽下呂相絕秦之書致敢楚漢交爭之禍惟查俄人之於東方已蓄謀有素西二月二十五日勞打電報已畧言之緣是日英法德俄四國大臣馬利威來文在下議院宣讀謂俄若在中國佔踞口岸無論何處亦必准天下各國通商等語是則俄人佔地之意已顯而易見三月三號復有電音言英廷與俄德商議欲行會合辦理在中國之事是俄德兩國已有心謀取中國口岸英國雖知之亦不欲抗拒惟要俄人准將所踞口岸通商而已勞打電報又言俄國現訂議由中朝批租旅順合數事以觀之俄在旅順大連灣懸旗一事似非虛語矣

意國外交 ○意大利既與德奧聯盟訂約共保太平洋近復擬與法聯訂約意乃周旋其間藉此以敵彼兼圖厚利計亦良巧但亦有難洽之處使便同盟用兵之國與同盟通商之國構釁意國亦無費調停之事也至其與俄通商亦無大利按商册所載自一千八百九十二年及九十六年意國運往俄地各貨共值五十八兆有

奇而同時俄貨進口意境者共值五百四十九兆兩者相較意銀溢流出流入俄國者如此其鉅誠國家一大漏卮也

日本尤可哈嗎來信論守膠州情形○攷德國商務淺窺之似乎較前稍遜深按之則處處佔先無一着落人後步此皆因其與各國交涉事件層層嚴密無一隙可議現於膠州灣力撤耶穌推崇孔教用以收服中國野蠻百姓即此一端至屬可嘉且如此辦法非但可以收亞細亞民心亦中國臣民之福也德人之英明若此將來英法俄等國亦必效法德人方成大事但英人在中國歷有年所而於內地各省遍行耶穌教而不思變計此固不若德人之先見也此時俄人行蹤詭秘恨不能併吞亞細亞因有數大國在旁一時未敢顯露窺其意似必以中國全境為俄之印度方遂其願現在讓德人首開費端俄必相繼發難無論中國人民如何難治祇要孔教一與便可制中國之命况自古得天下者以得民心為本今各國握其本而行之勢必操縱自如事事可不勞而定矣○德人先據膠州灣為歐洲各國所不防在德人固知為利益而在旁觀冷眼相看逆料其必派第二隊兵輪保守蓋因德於歐洲仇敵甚多不能不預為防備此時德人祇知耀武夜郎自大有目空一世之概但驕兵必敗此特德人之末運耳不若自顧本境之為上策斯時德人諒亦自知其弊故趨行佈置然我所為德人深戒者竊恐其慮此得意即忘其失意也所以一指示使德人稍自留意尚不至一敗塗地萬不可以言之諄諄竟聽之藐藐原此事之始不過區區開教而已何至勞師動眾儼若我甲午之役且要挾款目添出許多頭緒我日必不若是之無情必不若是之險詐中國之弱固不待言其平日講求武備幾費盡心力茲被六百人全灣失守尚有何武之足備乎况德人之六百人係為合之眾祇可虛張聲勢惜中國為其所瞞不與對壘若在我日本則六百人鮮有不為灰燼者矣

照錄來函○為懇誅亂民以紓禍患公懇代陳事中國自東師敗績國勢瀕危諸夷虎視眈眈嗚呼逐鹿無不思分一鬮以快眾願親近時警報紛傳即藉口無詞尙事多方之要挾况明明與以可乘之費得不生心抵隙孕恨苛求者乎然湘中之民僻處湖外深知此理曾不二三故凡夷人游歷來湘輒聚眾喧呼任情驅逐其初號稱讀書之士亦有預焉近自 各憲台開誠布公諄諄誥誡稍有知識無不幡然悔悟痛改前非今其人直街市之亂民而藉事生風嘯其徒黨僥倖儒之惡習遂劫掠之私情既非一口舌之數陳所能勸導亦非一鞭撻之示警足令改移夫時局之危至於此極雖多方粉飾苟且偷安極力維新以圖振奮猶虞臨渴掘井濟急為難况逢

茲敢類挑釁強鄰倘其赴想 京師釀成巨禍內之則索其土地外之則敢其戎心拒之不能與之不可甚至兵臨城下恣其報復之心徒傷玉石之焚共權刀兵之劫上則貽憂於 君父下則為害於地方此而不誅更將何待且教而不化祇謂亂民古之人以殺為生又曰治亂國用重典蓋皆為若輩說法也不然湖南數百萬生靈其將死無噍類乎某故不畏人言冒陳管見敬質 明公倘執茲地痞訊得實供確無冤抑則情真罪當殺之不為不仁並祈臬示城門警一戒百庶怵於峻法秀民之獲悍能除共保將來我族之危亡稍緩耳如芻蕘之言有當萬一伏乞轉呈 撫憲核奪施行某等幸甚湖南幸甚不勝待命之至謹啓以聞伏祈 垂鑒

善化 湘鄉 湘潭 瀏陽 布衣公白 邵民公稟

本日有人送此函於本館誦讀一遍真為力顧大局血誠痛哭之言惜未署名礙難轉達謹照登本報以俟大人君子採焉然作者不妨賜步本館一談毋任欽仰 本館附識

三月二十五日日用各物時價表

| 物名 | 每實 | 價值 | 比較 | 物名 | 每實 | 價值 | 比較 |
|------|---------|----------|----|------|------|----------|-----------|
| 銀 | 兩湘平 | 一千三百四十二文 | | 銀圓 | 圓 | 七錢五分 | 湘平 九百一十二文 |
| 錢票 | 千文 | 七錢四分五厘 | | 典錢 | 每串十足 | 七錢九分二厘 | |
| 上白米 | 石 | 一千五百五十五文 | | 次白米 | 石 | 一千五百一十二文 | |
| 中米 | 石 | 一千五百五十五文 | | 河東谷 | 石 | 一千二百四十四文 | |
| 河西谷 | 石 | 一千五百九十九文 | | 淮鹽 | 百觔 | 四十五文 | |
| 洋麵 | 包 | 二兩七錢 | | 菜油 | 百觔 | 五十六文 | |
| 茶油 | 百觔 | 七兩三錢 | | 桐油 | 百觔 | 七兩八錢 | |
| 洋油 | 箱一箱 | 五十觔 | | 粟木炭 | 百觔 | 六兩二錢五分 | |
| 牛油燭 | 百觔 | 一百二十文 | | 上棉花 | 百觔 | 一千一百文 | |
| 歡喜炭 | 百觔 | 七百二十文 | | 下棉花 | 百觔 | 十七兩二錢 | |
| 中棉花 | 百觔 | 十六兩八錢 | | 二印折衷 | 同前 | 四兩正 | |
| 頭印折衷 | 石一百四十四斤 | 四兩三錢 | | 吳庄紙 | 石 | 四兩三錢 | |
| 三印折衷 | 同前 | 二兩七錢五分 | | 烟煤 | 石 | 三百二十文 | |
| 塊煤 | 石 | 三百六十文 | | | | | |

湘報第三十六號

儒醫

瀟陽陳隱廬夫子序名謙精岐黃術住
求忠篤志二齋一號 同門公白



廣陵王耀先先生琴學精通指
法神妙鼓之覺有仙乎仙乎之
概余執贊焉如有願學諸公請
至貢院東街曾氏試館
隆中居士刊佈

真人丸藥局

開設省垣走馬樓精探上品藥材專製丸散
膏丹六種藥酒擇於本月二十九日開張

勸駕馬濟世

友人劉君紹堉少尹湖湘聽鼓十餘稔矣生平多奇獲得醫門元妙
為尤最然向來秘不肯言凡有與之至好者延之靡不藥到病瘳或
遇奇險之症醫家束手渠用一二刀圭令絕者復生余等見其操活
人術而於世無濟竊為可惜爰約朋輩再三勸駕已蒙肯肯特登報
端白之當世 胡蕪臣藍文軒啓
現寓周家坪女媧宮巷口右 首劉公館

治事篇第八 財用 續前稿

易曰何以聚人曰財財又曰有人此有土有土此有財人之與財其相需如是其急也夫離羣索居則咨嗟太息
無以發舒其抱負臨深涉高山川滿目我於人兩無所裨即兩不相聞既而聞聲爭附見影相趨學會成矣人才
出矣又安可不備理財之事哉衰世言利之臣大率以民為園壘中之牛豕日奪其食陵其脂絕其生命而苟焉
以自救否亦屯密雲之膏過流根之澤以吝嗇閉藏為報國耳持此理財財安得不日益竭今之所謂學會民以
其學來會也則管理財悉以養民為主義眾舒疾互研其理農礦工商各精其術斯固然矣有善堂者亦會之
義也苟盡取而併之於學會或督其成分其役贊合而力始巨事公而效愈觀鯨鯨獨廢疾有養則益使習
為工藝自食其力加以變人力而為機器化腐臭而為神奇豈患天既生之乃不能養之耶他若闢道路以通貨
殖聯商會以課釐捐今之釐金局不設去川商務日盛民生日艱誠無能為矣故官理財必自釐金阻力既去新利自生成效
既昭茲贊亦易然後薄施善政慨振困窮以會計為任恤以任恤為準卓更由學會自設警部則備去公家之兵
費而足以靖地方矣由學會公定祀典則省去賽神之民財而廟宇足變為會產矣而且衣服宴樂居處儀文由
學會定一簡易易從之準則由是凡可以資小民之生計而制其用者無不可以進議之矣於是無變制度之名
而有變制度之實

治事篇第九 羣學

佛法以較度眾生為本根以權波羅密為首義意已詳前以蠲除業障并冀土自得即吾孔孟救世之深心也學者墮落
小乘不離我相於是為孔孟者獨善其身為佛者適於斷滅撥之立教之初心不啻背馳於燕越甚無謂也今將
利濟為懷又非一手一足所能任則善矣夫佛之說法也必與數萬數千萬薩俱天龍八部人非人等恭敬圍繞
無所往而非學即無所往而不會然後悚然歎曰古今來學佛者咸不知為學會未為能學佛者也能學佛則
必自倡明學會之義始倡明學會吾知其功無小論恆河沙數而不可思議一生補他方佛處生菩提樹下為法
王子承斷三途住持極樂徧治十方一切世界何況此一世界乃不能以學會治之耶學會之條理既已具前然
幸勿謂遂止此而已其他不足為會也荀子曰人之所以異於禽獸者以其能羣也是則但為人之智力所能
為而禽獸所不能為者無不可以學而學會而會且通為一學一會也儒而入會於是無學會之名而有學會